

Bilsena Šahman
Zastupnica SBB BiH

BOSNA i HERCEGOVINA
FEDERACIJA BOSNE i HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlade Kantona Sarajevo; Ministarstva zdravstva KS;

Sarajevo, 30.10.2019.godina

ZASTUPNIČKO PITANJE

Udruženje dijabetičara djece i omladine KS pokrenulo je, a Skupština KS usvojila 25.06. 2019. godine inicijativu „Za život sa manje boli“. Nakon radnog sastanka sa predstavnicima Vlade KS, doneseni su zaključci, te su zaključci zajedno sa detaljima sa sastanka trebali da se uvrste u novu Uredbu o ortopedskim pomagalicama koju je navodno Vlada KS usvojila. Zaključci su bili slijedeći:

1. Da se obezbijedi liječenje inzulinskim pumpama (da se nabavi novih 50 inzulinskih pumpi, pravo na novu inzulinsku pumpu imaju djeca i mladi u dobi do navršene 26 godine života, da je inzulinska pumpa trajno pomagalo i svi oboljeli na terapiji inzulinskom pumpom bez obzira na dob imaju pravo na potrošni materijal, zamjenu i popravku pumpe)
2. Da se obezbijede kontinuirani mjerači glukoze djeci i mladima u dobi do navršene 26 godine života na teret Zavoda zdravstvenog osiguranja Kantona Sarajevo. Također, da se pokrene postupak za registraciju kontinuiranih mjerača kod nadležne agencije.
3. Da se obezbijedi glukagon – lijek u slučaju hipoglikemije (nizak šećer u krvi) djeci i mladima u dobi do navršene 26 godine života na teret Zavoda zdravstvenog osiguranja Kantona Sarajevo.
4. Da se godišnje obezbijedi 10 komada ketonskih trakica djeci i mladima u dobi do navršene 26 godine života na teret Zavoda zdravstvenog osiguranja Kantona Sarajevo.

Roditelji djece sa dijabetom su s pravom ogorčeni načinom rada Skupštin i Vlade KS, te Vas pitam šta je sa novom Uredbom o ortopedskim pomagalicama koju je navodno Vlada KS usvojila? Da li je uredba objavljena u službenim novinama, ako nije zašto? Da li je tačno da je prećutnim dogovorom direktora zavoda i ministrice zbog novih troškova ista povučena?

U prilogu vam dostavljam i dopis koji je uputilo Udruženje dijabetičara djece i omladine KS i detaljno obrazloženje onoga što oni zahtjevaju i šta im je obećano, a skoro ništa od toga nije ispunjeno

Zastupnica SBB BiH u SKS

Bilsena Šahman